



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 43. Fabritii Spadæ Cardinalis extrema.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

delatum, ibidem honorifice conditum Sæc. XVIII.  
 est cum hac inscriptione sepulcrali, A. C. 1717.  
 quam sibi ipsi modestissime composuerat:

D. O. M.

Vermis de Verme Vermibus dixit:

Mater & Soror mea vos estis:

Vermis sum & non homo,

Quia figura hominis facta est umbra  
 mortis:

Hunc sibi sepulcri Titulum posuit

Thaddæus S. R. E. Card. de Verme

Ferrariensis Episcopus.

§. XLIII.

*Fabritii Spadæ Cardinalis ex-  
 tremæ.*

Hunc eadem fatali mortis necessitate  
 sequebatur Fabritius Spada ex il-  
 lustrissima Romanorum Marchionum  
 stirpe progenitus. Hic Romæ libera-  
 libus disciplinis imbutus, Jurispruden-  
 tiæ incubuit, relatisque Doctoratus in-  
 signibus inter Romanæ Curiae Præsu-  
 les connumerabatur, atque amicorum  
 ope ad pinquia promotus Beneficia, a  
 Clemente IX. in Sabaudiam Nuntius  
 Apollolicus decernebatur, ubi Roma  
 accersitis Missionariis, aliisque Viris  
 Apo-



**Sæc. XVIII.** Apostolicis haud parum contulit, ut  
**A. C. 1717.** Calvinistæ aliique hæretici in Vallibus  
 Ticini agentes ad fidem Catholicam  
 reverterentur. Inde vero ad Gallos  
 eodem munere insignitus venit, om-  
 niumque desiderio exceptus, per plu-  
 res annos sua morum comitate ac pru-  
 dentia omnium Benevolentiam amo-  
 remque sibi conciliavit: exortis autem  
 Romæ dissidiis inter Cardinalem Palu-  
 tium & Lavardinum Regium Galliarum Ora-  
 torem hucusque de se conceptam existi-  
 mationem nonnihil imminuebat, brevi  
 tamen pristinae gratiæ restitutus, ubi Rex  
 rei veritatem edoctus, hanc dissensio-  
 nem non a Nuntio, sed ab aliis solici-  
 tatum compererat: Demum e Gallis  
 revocatus Fabritius, a Clemente X.  
 Presbyter Cardinalis renunciatus, ac  
 Prænestinæ Ecclesiæ præpositus, at-  
 que ab Innocentio XI. Urbini Legatus  
 de latere dictus, hanc provinciam per  
 septennium singulari fide ac prudentia  
 administravit. Sacris interfuit comi-  
 tiis, in quibus, licet scientia eminentis,  
 inculpatæ vitæ, pietatisque fama in-  
 clytus, sacrarum, profanarumque re-  
 rum experientia longe clarissimus esset,  
 nihilominus ob ætatis defectum a Pon-  
 tificatus tot titulis promeriti spe ex-  
 cludebatur: Ab Innocentio XII. ad ar-  
 duum *Secretarii Status* officium promo-  
 tus,



tus, sibimetipsi ad supremam Ecclesie Sæc. XVIII.  
 dignitatem aditum occlusit, non pro- A. C. 1717.  
 pria culpa, sed ipsius officii vitio; cum  
 enim culpæ illorum, qui hoc munere  
 funguntur, omnes tam Principum, quam  
 populi offensiones potissimum attribui so-  
 leant, brevi etiam Fabritius gravem  
 Cæsaris indignationem sibi accersebat;  
 postquam enim Papa Gallos inter &  
 Sabaudos pacem conciliaverat, cun-  
 ctosque Italiæ Principes a bello amo-  
 verat, Martinizius Cælareus Orator  
 publico edicto omnes Imperii Vasallos  
 in Italia ad investituram vocabat: in-  
 de vero contentione gravi Papam inter  
 & Cæsarem exorta, tota culpæ moles in  
 Fabritium rejecta est, vicissim vero ipse,  
 an ex firma juris persuasione, vel vin-  
 dictæ impulsu, Hispaniæ sceptrum non  
 ad Cæsarem, sed ad Philippum Ande-  
 gavensem Ducem jure esse devolutum,  
 in Patrum consultationibus publice  
 pronuntiabat. Demum Pontifice in  
 gravem morbum delapso, Fabritius  
 tanto oneri ferendo par, solus Pontifi-  
 catus arcana dirigebat, singulis tamen  
 diebus horam mane, alteramque ve-  
 spere gravibus hisce negotiis surripuit,  
 eamque divinis contemplationibus in-  
 sumpsit. Paulopost Papam moribun-  
 dum morti Deoque præparabat, eique  
 postrema pietatis officia exhibuit, quo  
 de-



Sæc. XVIII. defuncto Fabritius a non paucis in Pontificatus Successorem expetebatur; sed A. C. 1717. opponerant alii hallucinationes in Secretarii munere commissas. Prævalentibus tamen ejus meritis a Clemente XI. maximi habitus, ad Prænephinam Ecclesiam nominatus est, necnon novem Congregationibus adscriptus, & justitiæ, ut vocant, *Signaturæ* præfectus, præclara suæ integritatis ac prudentiæ specimina edidit. Erat enim Præsul omnibus numeris absolutus, pius, sincerus, affabilis, comis, & erga omnes mansuetus, prudens, moderatus, atque obsequiosus. Postremo sacre Inquisitioni a secretis in præclaro hoc munere consenscens, die decima quinta Junii annos natus septuaginta quatuor Romæ pie in Domino obiit.

## §. XLIV.

*Franciscus Martellus Cardinalis vita functus.*

Guarnac.  
l. c. t. 2.  
pag. 47.

Tertius ex Purpuratis hoc anno dentis erat Franciscus Martellus patria Florentinus, qui generis sui claritatem novo virtutum splendore, ac meritorum gloria illustrem reddidit. Præ enim ac liberaliter educatus, & literarum studia impigro labore, uberrimoque eruditionis proventu profectus Philo